

قصة رجل ذكر اسمه في السحاب _ اعرف السر []) القصص

النبوي () دورة علمي رسول الله (_ م علاء حامد

علاء حامد

الحمد لله وشهاد ان لا الله الا الله وحده لا شريك له. وشهاد ان محمدا عبده ورسوله صلى الله عليه وسلم. اما بعد. آهلا ومرحبا بكم في هذا اللقاء مع مدارسة - 00:00:00

قصص النبي عليه الصلاة والسلام وآآ الحقيقة ان من امتع الاشياء ان انت تتعرض مباشرة دي تربية نبوية على طول لان هذه القصة انما كانت تحكى لمن هم افضل منك. لمن هم؟ افضل منك. الصحابة رضي الله عنهم وارضاهم - 00:00:16
فاول ما بتيجي كلمة قصة كده الواحد بيستقل الموضوع بيعرف ان الموضوع ده قاله رسول الله صلى الله عليه وسلم ابي بكر وعمر وعثمان وعلي واستعمل هذا الامر في التربية - 00:00:41

يتتأكد ان هناك آآ مشكلة مشكلة في تعاملنا مع القصة المفروض القصص ده من اعلى انواع التربية نحن نقص عليك احسن القصص. الله يربى النبي بالقصص. النبي عليه الصلاة والسلام يربى الصحابة بالاليه؟ بالقصص - 00:00:58

لكن احنا اللي بنتعامل مع القصص في العادة تعامل سطحي جدا. فنتصور ان القصة دي يعني الاطفال بتاع شوية عيال صغيرة كده سليمهم. لكن احنا كبار لكن في الحقيقة لما نيجي نمسك قصة بجد بقى نتعامل معها على مستوى الكبار لا غير - 00:01:20
فيها علم تربية فيها عقائد فيها مفاهيم فيها كل حاجة تتخيلها. هتلaci في القصة ديت. انت هتتعجب ان النبي عليه الصلاة والسلام بعد ما يحكي قصة ما كنش بيشرحها زي ما احنا بنعمل كده - 00:01:44

وعائز اقول لك على الفهم العميق للصحابة. ان النبي عليه الصلاة والسلام وكلهم الى فهمهم ويعلم صلى الله عليه وسلم ان هم هيستوعبوا كل ده لوحدهم ويطلعوا بالفوايد اللي انا حقولها دي لوحدهم. لان كان عندهم يعني بديهية وعقلية فزة مش زينا احنا بنحتاج حد - 00:02:01

يقدر يشرح لنا كتير. المهم القصة اللي معنا الهازدة قصة قصيرة جدا حكها النبي عليه الصلاة والسلام في ثواني. لكن نقدر ممكن نقدر معها ساعة نطلع الفوايد اللي فيها. فخلونا - 00:02:21

نستشعر اننا نتلقي التربية مباشرة من رسول الله صلى الله عليه وسلم ونعرف هو لما قال للصحابه القصة دي مازا كان يربى وايه هو المعاني؟ ايه هي المعاني اللي كان المفروض توصل لهذه العقول؟ وازي المعاني دي ربتهم وطلعت جيل فريد - 00:02:35
في كل مرة بناخد قصة هنحاول نعيش اقصى يعني نطلع نجيب اخر القصة ديت من الفوائد طيب قصتنا الهازدة قصة سهلة جدا. بسيطة خالص. ان النبي عليه الصلاة والسلام هذه قصة في صحيح مسلم. من رواية ابي هريرة رضي الله عنه - 00:02:54
وارضاهم. النبي عليه الصلاة والسلام قاعد مع الصحابة بيحكي لهم. بيقول بينما بينما رجل بفلات من الارض قاعد في الارض بتاعته يعني اه قصدي رجل كان ماشي في فلاته من الارض مكان من الارض - 00:03:13

اذ سمع صوتا في سحابة فوق معدية عادي. هو سامع صوت بس الصوت ده مميز كلام الصوت وخلاص فيه كلام هو مميزه اسقي حديقة فلان سمعت صوت ده فعلا هذا حديث صحيح في مسلم. وهذه يعني ربنا يفعل ما يشاء سبحانه وتعالى. سامع صوت حقيقة اسقي حديقة - 00:03:31

فلان وسمع اسم فلان ده اسم يعني استنى بس ثواني وقاعد ايه يتبع السحابة. بيقول ايه هي كانت ماشية كده. مرة واحدة قلبت

كده تتنحى السحاب في رواية فتنحى ذلك السحاب - 00:03:57

يعني غيرت مسارها السحابة ماشية في طريق معين وهي سحابة واحدة. كبيرة كده غيرت طريقها ومشيت في طريق تاني قال فافرغ ماءه في حرة فإذا الشراج من تلك الشراج قد استوعبت ذلك الماء كله - 00:04:16

الحارة اللي هي الايه؟ الجبل اللي فيه حجارة. تمام؟ فهو بيقول الايه؟ المطر نزل على جبل والجبل مليان حجارة الحجارة في العادة بتعمل مسارات كده عارف انت لما المية تنزل على الجبل تقعده تنزل كده ايه تتشعب في - 00:04:35

بيقول المایة كلها مشيت في مسار واحد بس يعني المفروض المایة بتنزل تقعده تجري في كل حنة كده تاخد شمال ويمين عشوائي. لا ما فيش حاجة عشوائية بيقول فيه مسار واحد كالماية تنزل كلها تجري في مسار واحد. شارحة من تلك الشراج يعني ايه؟ فتحة من تلك الفتحات اللي هي بين الصخور - 00:04:50

قعده المایة تمشي. كل مایة تنزل تمشي بده بس. الفتحة دي قاعد يمشي وراها بقى. المسار بتاع المایة دي قاعد يمشي وراها قال فتعجب يعني شرحة واحدة استوعبت الماء كله - 00:05:10

قال فتتبع الماء. قعد يمشي ورا المایة مش هسيبها النهاردة بيقول في الآخر خالص لا في الآخر المایة بتتصب في مكان. المكان ده فيه راجل واقف هناك كويس هناك. ومعه آآ أدوات اللي هي بيفتحت فيها في الأرض علشان يكمل المایة يخليها توصل جوة بقى عندي. يعني هي - 00:05:23

انزلوا لغاية قرب ارضه. فهو معه بقى ايه معه فقس وبتاع وبيعمل قنوات كده صغيرة بحيس المایة تكمل توصل الأرض عنده. هو عادي هو فاكر المایة دي جاية لي زي ما جاية لغيري. طبعا هو مش عارف القصة اللي حصلت ديت - 00:05:44

الراجل ده راح اخينا معلش بعد ازنك هو انت اسمك ايه؟ قال فلان نفس الاسم اللي ايه؟ سمعه في الصحابة ثم قال له يا عبد الله لم تسألني؟ ليه بتسألني؟ على اسمي - 00:05:58

قال اني سمعت صوتا في السحاب. الذي هذا ماؤه. سمعت صوتا في السحاب الذي هذا ماؤه. يقول اسقي حديقة فلان وسمعت اسمك انت. اسمك انت فما تصنع فيها؟ قل له بالله عليك اسألك بالله انت بتعمل ايه - 00:06:16

ايه اللي انت بتعمله؟ عشان الصحابة تغير مسارها وتنزل عندك وتمشي بمسارها وتوصل لك انت. ليه؟ ايه اللي حصل؟ انت بتعمل ايه؟ ايه ايه المعجزة اللي انت بتعملها عشان نوصل للمستوى دوت - 00:06:41

فقال رجل اما اذ قلت ذلك فاني الصراحة كل اللي بعمله في حياتي بعمل اللي انظر الى ما يخرج منها. يعني بشوف اللي بيطلع لي من دي من الأرض فاتصدق بالثالث - 00:06:54

جامدة. يتصدق بالايه؟ تلته صدقة. اتصدق؟ بالثالث. واكل انا وعيالي الثالث وارد فيها الثالث. يعني برجع الأرض ثانية بجي بشتري بالباقي دوت حاجة ازرع عشان الزرعة اللي جاية. قال له هو ده بقى ايه؟ دي قصة حياتي - 00:07:08

انا لقيت منين ولا جاي من ولا انا هو كل اللي بعمله ايه؟ هو اللي انت شفته ده. اتصدق بالثالث اكل انا وعيالي الثالث ارد الى الأرض الثالث. بس. خلصت القصة كده - 00:07:29

وختم النبي عليه الصلاة والسلام كلماه على كده علشان الصحابة يعيشوا في الفوائد اللي انا هقولها لك دلوقتي. احنا لمانيجي نقف مع القصة دي هنف آآ مع كذا موضوع - 00:07:39

الموضوع الاول هو عملية التسخير الكوني اللي حصلت ديت الموضوع الثاني هنف مع الراجل ده لوحده كده. نقدر نحلل الراجل ده لوحده الموضوع الثالث هنف مع التقسيم اللي هو بيقسمه دوت. التقسيم ده هنطلع منه فوائد كتير - 00:07:51

المسئلة الاولى. الاولانية الموضوع الكبير الاولاني وهو هذا التسخير الذي حصل هنقولوا فوائد كده بعناوين وكل فايدة نقف معها شوية الفائدة الاولى بتقول لنا قل الله كما يريد يكن لك الله - 00:08:10

فوق ما ت يريد قل الله كما يريد يكن لك الله فوق ما ت يريد هذا الرجل فعلا عمل اللي عليه. يعني رجل بيتصدق بالثالث ما شاء الله كثير حلو جدا لكن الله فعل معه - 00:08:28

اضعاف ما كان ما يستحق ان هو يسخر سحاب وملائكة وجبال ومسارات كل ده بامر الله سبحانه وتعالى عشان في الآخر يجي له ميه لوحده. اما يجي له مع الناس مع في الزحمة لأ لوحده - 00:08:45

ما كان الله له ايه؟ فوق ما يريد الله سبحانه وتعالى قاعدة يقبل القليل ويعطي عليه الايه؟ الكسير. ذلك كانوا يقولون الحمد لله الذي رضي من عباده يسير من العمل - 00:09:03

الحمد لله الذي رضي من عباده باليسير من العمل. وتجاوز لهم عن الكثير من الزلل تمام وافاض عليهم النعمة. وكتب على نفسه رحم. فالله سبحانه وتعالى يقبل يسير العمل ويتجاوز عن كثير من الزلل ويتفضل بالفضل - 00:09:18

سبحانه وتعالى. فهذه قاعدة انك انت تعامل ربنا وتعلم انه شكور سبحانه وتعالى والشكور هو الذي يعطي الكثير على القليل. فيقال هذا ايه؟ شكور. شكر العمل. يعني انت عملت حاجة بسيطة هو شكرك فاداك كثير قوي. ايه ده كل ده - 00:09:35

اه هي دي. تمام؟ فالله سبحانه وتعالى شكور. يبقى هنا من ثمرات القصة اننا نتعرف على الله من الصفات الالان التي عرفتها في الله سبحانه وتعالى صفة الله او اسم الله الشكور. الذي يعطي الكثير على القليل. ده بيشجعني - 00:09:53

ان انا اعمل ولو حتى حاجة بسيطة. يمكن هي دي اللي آتتقبل. يمكن هي دي التي ارزق بها. ما حدش عارف. ما تستخسرش الصدقة ما تستخسرش ابتسامة في وجه اخيك. ما تستخسرش كلمة حلوة تقولها لحد - 00:10:12

ممكن كلمة تحبيبني آدم. احيانا تقابل واحد كده تسلم عليه تقول له تقول له كلمة حلوة. شكله في لبسه في آآ بتتعاكسه فاهم اجبر بخاطره يعني. فيجي بعد ايام وليلي يقول لك عارف الشيخ يوم ما قابلتنى انا كنت بص - 00:10:28

والدنيا سودا في وشي. ما تعرفش انت بقى. فاهم؟ فتقول سبحان الله ما اعرفش قابلتك انت. رحت انت قلت لي كزا. والله العزيم كل حاجة اتغيرت في حياتي. اليوم ده كان احسن يوم في حياتي - 00:10:44

مع ان كلمة عادية لو اتقالت له في وقت تاني كانت هتبقي عادية. بس سبحان الله صادفت واحد كان محبط جدا. مكتئب متضايق مش طايق نفسه. اكيد انت ابتسمت في وشه ايه الجمال ده ايه الشياكة دي شكله وشك منور النهاردة احيته كان بيموت وبالتالي لا تحقق من المعرفة شيئا - 00:10:54

ولو ان تلقى اخاك بوجه طليق. يمكن هي دي اللي هتعديك. تمام؟ يمكن هو ده العمل اللي اتقبل. النهاردة. تمام؟ فدي اول حاجة. نعم اسم الله ولا نحتقر عمل يسير مهما كان. لان انت ما تعرفش هو الرجل ده يعرف ان اللي حصل له ده بسبب الصدقة؟ طب ما الرجال ده بيصلب ويبيصوم ويبيعمل حاجات تانية. هي دي بقى - 00:11:14

هي دي اللي عدتك. فاضرب بسهم طيب الحاجة الثانية نلجز في هزه القصة ان التسخير كان على مستوى عالي قوي. ملك. ما هو الصوت ده كان صوت ايه ملك ما هو في ملائكة موكلة بالسحب والقطر والكلام ده ميكائيل موكل بالايده؟ بالقتل وله اعون. فده صوت ملك. فاللي اتسمع ده صوت ملك - 00:11:34

ملك الله ارسل ملك يأمر سحابة اتحرك. تمام؟ مطر ينهر خصوصا في هذا المكان في هذا التوقيت جبل مسخر مسار محدد كل هذا كون كامل يسخر لعبد مطيع لله سبحانه وتعالى - 00:11:58

فتتأكد ان هذا الكون يتفاعل معنا. بامر الله سبحانه وتعالى تأكد ان كل ما حولك عنده اوامر من الله سبحانه وتعالى وهذه الاوامر متأثرة بادئك النبي عليه الصلاة والسلام قال مستريح ومستراح منه - 00:12:20

فقالوا من المستريح؟ ومن المستراح منه؟ قال العبد الصالح اذا مات يستريح كما قال. قال والعبد الفاجر يستريح منه البلاد والعباد اذا البلاد كانت متضررة بوجود العبد الايه؟ الفاسد. لذلك ربنا لما هلك اال فرعون قال فما بكت عليهم السماء - 00:12:39

والارض وما كانوا منظارين. اذا اعكس يبقى العبد الصالح تبكي عليه السماء والارض اذا مات. لانها تبكي على السجادات التي تفتقرها اذا نزل العبد الصالح. تبكي على الاذكار التي كان يقولها هذا العبد الصالح. يا جبال اولي معه والطير. فهذا الكون يتفاعل فعلا معنا - 00:13:00

فانه كما ورد في الاثر ان ان البحار والمحيطات والبراكين والجبال تستأنن الله ان تهلك عصاةبني ادم. كل يوم قدما لله تعالى ولكن

الله حليم. لا يأذن لها بذلك - 00:13:20

سبحانه وتعالى. وان من شيء الا يسبح بحمده ولكن لا تفهون تسبيحهم. يبقى ديت الايه؟ ادي التسخير. من الوقفة الثالثة معنا النهاردة وهي القاعدة الجليلة. من جعل الآخرة همه من جعل الآخرة همه كفاه الله هم الدنيا والآخرة - 00:13:35

هذا الرجل واضح جدا في ادائه ان رجل مهموم بالآخرة مهموم بالآخرة. ايه اللي دل على همه بالآخرة وهو بيتكلم لما قال لي التلات اقسام اول قسم قالوا ايه الصدقة. هو ده الدليل على ان اهم حاجة عنده ليه؟ الآخرة. لو انا قلت لك انت بتصرف ايه؟ هتفتكر ممكنا ايه؟ هترتب هتلaci نفسك اول حاجة - 00:13:55

هي اهم حاجة او احلى حاجة بتصرفها الحلوة بالنسبة لك. تقول لي والله بحب آآ ادع نفسي واجيبه وبتاع وبتصدق. فجابت لي دي. دي هي دي اللي جات لك في الاول - 00:14:22

واول حاجة لما قال له التلات اقسام قال له بتصدق بالثلث. وكان ده اللي شاغله. وده احلى حاجة عندي. وده اللي مهمتم به جدا. ذلك درجة لدرجة ان هو بيتسأل بسبب مفاجئ. فلما جاوب اللي تبادر في ذهنه في الاجابة الاولى الصدقة - 00:14:35

وهذا يدل على ان هزا الرجل طب ما هو فيه ناس كتير بتصدق. بس الرجل ده هم الاخير عنده نمرة واحد اكيد اكيد بسبب ده السبب الاول السبب الثاني ان لا يمكن لا يمكن حد يكون عنده - 00:14:52

آآ قوة او صبر ان هو يتصدق بتلت ماله الا واحد فعلا يهمه الآخرة يا جماعة التصدي وتلت المال امر فعلا فيه مشقة مشقة نفسية صعب صعب. انت متخييل يعني ايه؟ عارف يعني انت قلت مالك - 00:15:03

مش سهل خالص يعني انت لو بتقبض مسلا تسع تلاف جنبه تتتصدق بتلاته تقدر انت يكون دخلك تسع تلاف جنبه تتتصدق بتلت تلاف جنبه كل شهر صدق صعب صح؟ تعرف حد بيعمل كده - 00:15:18

مش سهل. فعلا حتى مهما كان الانسان عنده ايمانيات وبتاع بس يحس يقول لك ثلاثة. ما هو برضه المية الف حاجة بتتحسب في دماغك قبل ما طلع واحد مش ثلاثة والعياط وبتاع محوش لهم المدارس والمصاريف وبتاع والقصص والباص والمدرسة والدفعة الاولى والثانية والواد في الكلية - 00:15:34

والمدارس والمصاريف والثانوية والله ما مطلع حاجة خالص. تستلف. فاهم ازاي؟ سبحان الله! يمكن لو كنت طلعت ولو حتى مش هنقول لك التلت لو طلعت عش يمكن كانت جبرت معك وربنا راضاك بایه؟ ابنك ما عياش. الواد طلع بيفهم ما خدش دروس كتير يعني اه دخل مدرسة حنيفة - 00:15:55

فاهم؟ بس احنا ماديين. مش مش جامدين للدرجة دي من الاخر يعني. الرجل ده جامد قوي فيبيقول لك اللي دل على ان الآخرة همه ان هو اولا اول حاجة زكرها الايه؟ زكرها الصدقة. تاني حاجة ان هو اصلا بيتصدق بالتننت. ما يقدرش يعمل كده الا واحد فعلا ما هو الموضوع - 00:16:15

اللي همه فعلا فلما كان همه الآخرة كفاه الله هم الدنيا. والآخرة طبعا كفاية الا ايه؟ هم الدنيا. ايه هو هم الدنيا بالنسبة لواحد فاللاح قواعد المزارع. المطر ده اكبر هم يحمله دايما اي حد سقيا. المطر هينزل ولا لأ؟ الزرع يطلع ولا لأ؟ انا ما فيش في ايدك اصل انت دايما - 00:16:33

الانسان بيزادده همه في الامور اللي هو ما لوش يد فيها خالص كمان انت عارف انت حاجة برة عنك. حاجة خارجة عنك. انت بتقدر متربقها ما عندك حيلة الا ان تلجاً الى الله. فالزارع بالنسبة - 00:16:56

مسألة المطر. مسألة الشجرة هتطلع حلوة ولا نص نص هتطرح قد ايه؟ هتبقى هتجر معندي ولا هتقل معندي؟ هيحصل افة ليكا ولا تهلاكاش كل ده خارج عنك حاجة ما يملهاش فعلا - 00:17:11

هم فعلا كل تفاصيل الزرع هي هم. هو اخره اللي في ايده يعمل قناة مش عارف ايه يحط السماد حط اه ازرع صح في الآخر تطلع ما تطلعش. تتفلق الحبة تحت - 00:17:25

ما بتتفلقش. ينزل مطر يلحقني ولا ما ينزلش. ينزل في الوقت المناسب ولا ما ينزلش. هموم شديدة جدا هو الرجل حمل ما حملش

هم كل ده. كل اللي همه ايه؟ كل اللي همه الآخرة - 00:17:37

فلما اهتم بامر الآخرة ربنا كفاه ايه؟ هم الدنيا. هل معنى ان انا صاحب هم اخرمي؟ ان انا ما بعملش حاجة في الدنيا؟ لا. بدليل ان الرجال اللي هو حصل له الموقف اللي هو سامع الصوت ده. لما راح لقى الرجال قاعد كده منتون في الارض وسايابها على الله ولا لقاها قاعد ايه بيططلع - 00:17:49

قنوات وبتاع وشغال جايب اخره جايب اخره فيما يقدر عليه في مواقف قدرته. انا ما اقدر اش اجيب السحابة. انا ما اقدر اش انزل مطر. بس اقدر احفر واقدر احضر الارض واقدر امهد للدنيا واقدر ابذل كوييس واقدر ابقى مخلص في عملي. انا جبت اخرى شغل - 00:18:09

اذا هل هناك تعارض باينة ان انا باخد بالاسباب وبعمل عمل دنيويي متقن محترف وبين نعمي الآخرة ما فيش تعارض. هم الآخرة ده شيء قلبي في قلبي في الآخر احنا في الزاهر زي بعض - 00:18:25

انا وانت هنبقى قاعدين في الكلية بنفس المحاضرة نفس السكشن المذاكرة نفس كل حاجة بس انا همي الآخرة وانت همك الدنيا مش باين عليه مش الفرق ده مش باين. بيان في حاجات تانية بقى - 00:18:41

النية لما تيجي تحضر صلاة مسلا ببيان لما يبقى فيه غش في امتحان بيان رغم ان احنا كنا في الظاهر بنحضر مع بعض نذاكر مع بنفهم زي بعض واذكرها زي بعض كل حاجة زي بعض. بس في واحد جوة همه لخ - 00:18:55

الواحد جوة امن والدنيا في واحد جاي الكلية دي بنية صالحة. وعارف هو بيعمل ايه هو بيزاكر ليه؟ جاي ليه؟ ونيته ايه في الموضوع دوت؟ وفيه واحد جاي كده مقضيتها سنة الحياة - 00:19:13

وعايز يجيب درجات اتفشخ بها وبتاع وخلاص. تمام؟ فيه اتنين بيشتغلوا لذلك النبي عليه الصلاة والسلام بين ان صاحب هم الآخرة وصاحب هم الدنيا اللاتين الزهر شبه بعض في حديسين الحديس الاولاني قال من اصبح والدنيا همه. فرق الله عليه شمله وجعل فقره بين عينيه ولم يأتيه من الدنيا الا ما قدر له - 00:19:25

يبقى كده هل هو من اصبح والآخرة ايه؟ همه. جعل الله غناه في قلبه. وانته الدنيا ايه؟ وهي راغمة. وجمع الله له ايه؟ شمله. قال في اللاتين نفس اللفظ من ايه؟ اصبح. اذا اللاتين صحيوا واللاتين صحوا في نفس الوقت. واللاتين اتوكلوا على الله - 00:19:46

صح؟ صح. بس ده نيته غير نية ده. وده همه غير هم ده. وفي الحديس الثاني ده اوضح بقى قوله صلى الله عليه وسلم كل الناس ياخدوا كل الناس ايه؟ ياخده. فاكررين عارفين بقيته - 00:20:03

كل الناس ياخدوا فبائع نفسه فمعتقها او موبقها بس هو قال في الاول كل الناس ايه ياخده. حتى صاحب الهم الآخرة بياخدده. وانا وانا عشان هم الآخرة هقعد في البيت مش هشتغل - 00:20:17

وانا عشان همي الآخرة مش هروح الكلية مش هزاكر هزهد في المذاكرة مسلا ولا يا عم المذاكرة دي دنيا وحرام عشان الآخرة اهم حائط في البيت مسلا استبني بقى ان الرزق ينزل لي من بمعجزة من السماء لا فصاحب هم الآخرة هو شخص في الاداء الدنيوي - 00:20:31

في الظاهر جامد عادي زاكر جامد اشتغل كوييس متقن في عمله لكن جوة اخرك. الدنيا دي مش موجودة. مش موجودة في قلبه. موجودة في ايده. ممكن يبقى مليونير بس هنا ما فيش - 00:20:47

سهل جدا ان يتصدق. سهل يسيب الشغل يروح يصلي. ما يغشش ما يخدع. لا يراضي لا يأكل مال. يتيم لا يخدع لا ما بينصبش ما بياخدش رشوة لأن الحالات دي بالنسبة له متعارضة مع الهم. ازاي انا منين انت بتقول لي همك الآخرة وتعمل المخالفات دي كلها؟ هي بتبان هنا - 00:21:02

بتبان هنا. ولو تكسب مال مش معنى معي فلوس كتير هروح اخرتها بقى. اروح يلا بقى هات لي بنات. هات لي خمرة. هات لي حشيش. هات لي مخدرات. يلا نطلع الساحل نخربها معنا فلوس - 00:21:20

حتى في الایه بيجيبها حلال وما بيطلهاش الا في حلال. هي هنا ببيان هم الآخرة من اين اكتسبهم؟ وفيما ايه؟ انفقهم. صح؟ لكن في

النهاية ممكן يبقى اللي هم الاخرة اغنى من اللي مش هم الاخرة - [00:21:32](#)

مش مشكلة جبت الفلوس منين؟ تصرفها في ايه؟ لو حصل تعارض بين التجارة او الدنيا وبين صلاتك وصيامك بيحصل ايه لو حصل تعارض مع بنت بين شغلها وبين حجابها بتعمل ايه؟ بيتعارف هنا مين هم الدنيا ومين هم الايه؟ الاخرة. فهمنا؟ عشان كده بنقول للراجل ده كان همه - [00:21:46](#)

بلا شك بلا شك. لذلك ربنا ايه؟ زي ما بنقول كده جبره. جبر بخاطره. انته الدنيا وهي راضية وتأكد ان المهموم بالدنيا قد خسر كل شيء. ليه؟ لأن همه بالدنيا لا يزيد رزقه - [00:22:06](#)

هزود حاجة لكن يخسروا الآخرة بس تمام؟ ذلك قال من جعل من اصلاح الدنيا همه. فرق الله عليه شمله وجعل فقره في قلبه ولم يأتي من الدنيا الا ما قدر. هي هي في الآخر. طب ما هي في الآخر. ليه اخليها هي؟ وليه ما اشغلش نفسي بالآخرة - [00:22:23](#)
رغم ان انا لو شغال نفسي للآخرة هتجيلي نفس الرزق بس زائد الغنى النفسي زائد البركة من الله دي حاجات مش بتتحسب بالارقام لكن لو خليت الدنيا همي هيجيوني هو نفس الرقم. بس منزوع البركة - [00:22:43](#)

ومنزوع الرضا النفسي يبقى انت خدت نفس الرقم انت رزقك عشرة الدنيا همك هتاخد عشرة. اخر عملك هتاخد كم؟ عشرة. بس فيه عشرة منزوعة البركة ممحوقة الرضا وفي عشرة مزروعة البركة مزروعة بالايه؟ بالرضا. جعل الله غناه فيه في قلبه. تمام؟ فهي كده. فلذلك من الغباء - [00:23:02](#)

انت خلي الدنيا شغالك خليها في ايدك. بس مش هتشغل قلبك. انت بتصحى الصبح اهم حاجة عندك الآخرة تتزبطة معك. حصل لي ازاي؟ هصوم ولا عشان النهاردة مش هصوم. طب النهاردة اتقى ربنا ازاي - [00:23:30](#)
فلان له حق عندي لازم ارجعه له. النهاردة بس فلان ده هقول له لا عشان بيتكلم في حاجات شمال ومش هينفع معك الكلام دوت. انت شاغلك ايه؟ حسنات وسيئات. لكن بقى - [00:23:42](#)

الرزق هيجي ازاي والكلام ده؟ على الله بقى. خلاص انا بعمل اللي علي زي الناس. ما تشغلنيش بقى. ما تخلنيش مهموم بالدنيا شفت بقى الكلام ما فيش حد هيموت يا جماعة. كما قال النبي عليه الصلاة والسلام ان نفسا لن تموت. حتى تستكمل اجلها وتستوعب ايه؟ رزقها. طب ايه النتيجة ان انا عرفت المعلومة - [00:23:52](#)

فاتقوا الله واجملوا في الطلب. يعني اطلبوا طلب جميل اطلب طلب حلال. اطلبها بحرام ليه ما دام هي هي؟ غبي قوي. يعني هي حلال زي حرام. اخدها بحرام واحش النار - [00:24:11](#)

وما طلعتش حاجة زيادة في الدنيا تمام؟ فلذلك النبي عليه الصلاة والسلام كان يقول ايه؟ اللهم لا تجعل للدنيا ايه اكبر همنا ما لوش لازمة حتى يعني حتى منطقى دينيا وعقليا ما لوش لازمة. لا تجعل الدنيا اكبر همنا - [00:24:21](#)

الفايدة الرابعة نقول سقيا ارضك الحقيقة هي على قدر عملك الصالح تزيد في سقياك او انقص سقيا ارضك الحقيقة هي السقيا الحقيقة هي على قدر عملك الصالح فزد في سقياك او انقذ - [00:24:38](#)

تمام مش بالشطارة مش بكتير الشغل انما اعمل اللي عليك واللي تقدر عليه وادعمه بالايه بالعمل الصالح ولو ان اهل القرى امنوا واتقوا لفتحنا. عليهم بركات من السماء والارض. ولكن كذبنا فاخذناهم بما كانوا يكسبون - [00:25:02](#)

ولو ان اهل ولو انهم اقاموا التوراة والانجيل وما انزل اليهم من ربهم لاكلوا من فوقهم ومن تحت ارجلهم. سبحان الله ده شيء عجيب. فعلى قدر العمل الصالح يكون الخير من الله سبحانه وتعالى. والعكس - [00:25:23](#)

ظهر الفساد في البر والبحر بما كسبت ايدي الناس. ليذيقهم بعض الذي عمل. الامام احمد اورد في نادي رواية ان احد الناس كان يحكي انه رأى في خزائنبني امية حبة قمح مثل التمرة حبة قمح بقدر تمرة. حجمها حجم ايه؟ تمرة. موضوعة في كده. وكتب عليه هذا كان ينبت

في زمن الطاعة هذا يعني هم محتفظين بها - [00:25:41](#)
حبة القمح في زمنبني امية. احنا بنعتبره من زمن السلف الصالح يعني. بالنسبة لنا واعتقد الحبة عندهم كانت وصلت نص تمرة مسلا

فكانوا زعلانين شوية احنا مش شاييفينها دلوقتي - 00:26:21

قال جايبيين حبة قد كده حبة خام قد كده وكانتين عليها هذا كان ينبت في زمن الطاعة. هي كانت كده فعلا. هي كشت ليه؟ مش عارفين. سبب المعصية. فهي دلوقتي اختفت. هي مش موجودة اصلا. احنا مش لاقينها - 00:26:35

تمام انت بتتشتري ايه ده فين ده ايه ده فخلاص احنا في مأساة دلوقتي تخيل واللي يدلك على نفس الفكرة دي ان الموضوع ده مش ما كانش في زمان بس هيعد مررة ثانية - 00:26:50

يعود مرة ثانية امته؟ في زمن المسيح بعد المسيح عليه الصلاة والسلام كان بيحكي اشرط الساعة طبعا اشواط الساعة فيها ايه؟ فيها شغل جامد يعني. بقى يأجوج وأماجوج والدجال وبتاع وفيه شغل جامد. بس في الآخر هينتصر المسيح - 00:27:02

كل حاجة هيقتل الدجال ويأجوج وأماجوج ربنا هياخدhem وخلاص هيفضل المسيح على الارض ويسيطر بقى سيطرة كاملة ساعتها لن يقبل الا الاسلام. خلاص هو في حد بعد كل ده حازم ما ييقاشه مسلم؟ بعد ما شفت يأجوج وأماجوج وبعد ما شفت الدجال وبعد ما قتلت - 00:27:18

الدجال انا بنفسي وكلكم شفتم واهل الكتاب شافوا. وشافوه وانا المسيح. لسه في حد هيكر؟ لن يقبل الا الاسلام اما الاسلام او القتل فطبعا كله هيخش الاسلام خلاص هو فيه حد مش هيخش الاسلام بعد اللي شافه ده - 00:27:39

ويقتل الخنزير ويكسر الصليب وخلصت. الارض كلها تبقى توحيد وكلها تبقى طاعة وتقعد الارض كده فترة حلوة فترة من الزمان النبي عليه الصلاة والسلام بقى بيوصف الفترة دي. هو بعد كده هيرجع تاني لايه؟ الناس تنحرف وتفسد تاني ويرجع تاني المعاصي - 00:27:52

دي دي اخر مرحلة في الارض اللي هي بعدها قيام الساعة. بس هي قبلها انتي مرحلة على وجه على زهر الارض انتي مرحلة. النبي عليه الصلاة والسلام بيقول طوبى لعيش بعد المسيح - 00:28:12

طوبى لعيش بعد موته. يعني يا بخته اللي هيعيش الزمان ده انتي ازمنة الارض بيحكي بقى النبي عليه الصلاة والسلام في الزمان ده هيحصل ايه قال فيوهمها يومها يقال للارض - 00:28:26

بركتك تبتي ثمرتك. ده معناه ان هي دي الثورة بتاعتتها فعلا الحقيقة. اللي هي المفروض تطلع بس هي ما بتطلع ليه؟ ربنا ما اذنش ان هي تطلع فيقول لها طلعي بقى السمرة اللي المفروض تطلع - 00:28:42

طلع البركة اللي المفروض تطلع بس كان مانعها معاصيبني ادم قال فيوهمها تأكل العصابة من الرمانة عصابة مش عصابة اللي هم الاشرار يعني. كلمة عصابة في اللغة يعني ايه؟ جماعة يعني - 00:28:59

تأكل العصابة من الرمانة. يعني يقعد عشرة يأكلوا في رمانة واحدة انت بتجيبي ثلاثة كيلو رمان عشان تعمل طبق قد كده ويتغشه بشوية جوافة عشان تجبر معك تمام؟ وتحط موز وتحط اخواتك يعني اي حاجة اعملي لي اي حاجة هنا؟ موضوعنا كله هو يوم ما بيقعدش في التلاجة نص يوم - 00:29:15

بيتسحب ستة كيلو الرمان خلصوا واحنا قاعدين. ده بيقول لك الرمانة بيقعدوا شوية يأكلوا فيها. يقعدوا خمسة ستة يقعدوا يأكلوا فيها. مش عايزه تخلص قال ويستظلون بقحفتنا. يعني الورقة بتاعتتها يقعدوا يستزلوا بها واحنا قاعدين تحت بنأكل الرمانة يعني موضوع كبير قوي. قال ويوهمها - 00:29:35

اللقة من الابل تكفي الفنام من الناس. يعني بعض القبيلة يحلبوا ابل يقعدوا بقى في اللبن ده كلهم. بيقى ده كأن طبيعى. ده المفروض يحصل. بس حسب بقى حجم المعصية في الزمان تبتدى البركة ايه؟ تقل. انت بتجيبي دلوقتي المزاية قد كده - 00:29:55

خمسة وعشرين جنيه الكيلو. يعني موزاية انا انا بقول له دي ايه دي؟ متابلة قبل كده؟ يعني هي ده دي يعني ده ده مسلا بيمو مسلا وفيه موز جاي ولا يعني ده اعلان ايه دي؟ ايه دي؟ قال لي هو ده الموز هو ده اللي جه النهاردة. طب اعمل ايه؟ انا ادفع خمسة وعشرين - 00:30:15

ايه في في الموزة دي عيش بقى انت هو ما فيش غير كده. تمام؟ هو كلها ايه؟ يعني ايه الفكرة ان المعصية بتمحق ايه الخير والبركة والطاعة تزيد في الخير والبركة. تمام؟ وما اصابك من سيئة فمن نفسك. فمن نفسك - 00:30:35

قول النبي عليه الصلاة والسلام ان الرجل ليحرم الرزق. ليحرم الرزق بالذنب يصيبه. الذنب يصيبه. طيب سيدة كمال. اضرب بسهم في كل ابواب الخير فانك لا تدري اي سهل سيلفك المراد - 00:30:57

اتنين اضرب بسهم في كل ابواب الخير فانك لا تدري اي سهم سيلفك المراد. يعني ايه الكلام ده؟ يعني انت اه بنسأل سؤال. السؤال اللي سألناه. الرجل ده اكيد بيصلني. يعني مش معقول ما بيصلني. تلت فلوس وما بيصلني - 00:31:20

ما بيصومش لكن بيصوم ما بيبيش ولاده كويس اكيد بيبيهم كويس حفظت قرآن لعياله او يعني لاي كتاب آآ اكيد يعمل خير ما بيقفلش في صالح الناس يعني هو شغال. اشمعنى ده بقى - 00:31:41

يعني طب ما كان ليه الرزق جاله بسبب دي؟ الله اعلم يمكن دي كان عمل اه مخلص قوي فيه. يمكن عشان هو عمل جامد فعلا يمكن يمكن يمكن الله اعلم. ليه ده بالرات اللي الرزق جاله بسبب ده - 00:31:59

وهو حاسس هو نفسه حاسس ان ده ده ارجى اعمالي. يمكن عشان خفي يمكن عشان بيعملوا ما حدش بيحس به هو ادرى به كل واحد يا جماعة ادرى بالعمل الایه؟ الاصلاح بالنسبة له. عشان كده النبي عليه الصلاة والسلام لما رأى بلال في في الجنة - 00:32:15

بين يديه فقال يا بلال يا دلني على ارجى عمل عملته في الاسلام. فاني سمعت دف نعليك بين يدي في الجنة ايه ايه الجمانان اللي انت عملته عشان تبقى انت قدامي في الجنة - 00:32:34

لال طبعا في جمادان كتير عنده. يعني لو حب يطلع كل الجمادان عند بلال كان ممكن يقول ايه التعزيب اللي في مكة وما حدش شاف اللي انا شفته في مكة ده انا كان بيحصل في وبيحصل في ده انا اتسحلت في مكة. وصبرت وكل الناس قالوا كلمة الكفر - 00:32:54

هو قال كده. قال ما من احد الا اعطاهم ما يريدون الا بلال. بلال الوحيد اللي ما كانش بلال الوحيد اللي قدر يستحمل وما قلش كلمة الكفر ولا والباقيين قالوها معذورين. بيموت خلاص عشان يتساب. بلال كل ما يحطه عليه يقول احد احد - 00:33:10

فهو يونيك في الموضوع ده هو وحيد هو ما لوش مسيل في الحنة دي. ما قالهاش طيب بلال هو مؤزن النبي عليه الصلاة والسلام في المدينة. هو ما لوش ما فيش مؤزن تاني في المدينة. هو بلال بس. اذا هو الوحيد في الحنة دي ما قالهاش برضو - 00:33:31

ده انت جامد جدا ده اجمد حاجتين عندك. ما جابهمش ما جابش سيرتهم. بيقول له ايه ارجى عمل عملته في الاسلام؟ قال حاجة غريبة قوي قال ما احدثت في ليل او نهار؟ يعني نقضت وضوئي يعني؟ الا توضأت - 00:33:47

وما توضأت في ليل او نهار الا صليت بهذا الوضوء ما شاء الله لي ان اصلني يعني ارجى عمل عن صواب الاسلام ان انت محافظ على وضوئك وبتصلي بعد ما تتوضأ؟ اه. انت شايف كده؟ اه - 00:34:03

اها؟ انا حاسس كده حاسس ان ده اراد عمل ليه؟ عشان ما حدش يعرفه كل الناس عارفة بلال في مكة وعارفة اداوه في مكة والموضوع ده مشهور به. كل الناس بتسمع اذاني واذاني مسمع وكل الناس بتجي لي الله ينور يا بلال بصوتك جميل يا بلال والكلام ده - 00:34:18

لكن دى بقى ما حدش يعرفها. هتعرف منين ان انا محافظ على وضوئي هتعرف منين ان انا بصلني مع نفسي بعد كل وضوء ركعتين اربعة ستة زي ما ربنا بيسر لي. عمرك ما هتعرفها. فعشان دينا مخبيها كده بيني وبين - 00:34:34

انا حاسس ان دي ارجى عمل عملته في الاسلام بس ده ما يمنعش بلال انه بيضرب في كل سهم بس هو حاسس ان ديت ايه مخبية كده. ودي تخلی لك فايدة اجعل بينك وبين الله خبيئة - 00:34:49

لا تجعل كل عملك في الظاهر. اجعل بينك وبين الله ايه؟ خبيئة. عادة هذه الخبيئة هي ارجى اعمالك عند الله. عادة عندما تلقى الله هتلاقى دي اكتر عامل خدت عليه حسنات. الخبيئة. ما حدش يعرف عنها حاجة - 00:35:02

لو لقيت ان كل عملك زاهر شك في اخلاصك شوقي بنفسك اصلا انت في حاجة غلط ما فيش واحد مخلص ليس له خبيئة عمل لا يعلمه الا الله قد يكون عمل ده ورد قد يكون ذكر قد يكون صلاة ليل قد يكون صدقة قد يكون كفالة يتيم قد يكون سعي على ارملة بس لازم في حته ايه محدث يعرفها غير ربنا - 00:35:17

لازم تبقى موجودة. لو مش عندك يبقى فيه حاجة غلط. ولو مش عندك ما اعرفش انت يعني المفروض بقى محضر تقابل ربنا بشوية حاجات كده سرية ولو مش عندك ممكن تيجي تحصل ازمه تيجي تتوصل الى الله بعمل صالح ما تلاقيش حاجة جامدة تتوصل بها. خلي معك حاجة كده ايه على جنب تنفعك - 00:35:40

فالراجل ده ضرب اسهم كتير وهي دي اللي جابت معه بقى. سبحان الله ربنا بارك فيها. زي ما بلال ضرب اسهم كتير. جابت معه. ايه اللي جاب معه؟ هي دي اللي جابت معه - 00:35:59

سبحان الله بقى مع النبي عليه الصلاة والسلام في الايه؟ في الجنة فدایما اعتاد كل ما تسمع عن خير اضرب فيه بالسانية. اه ما عنديش وقت اعمل كل حاجة. اه اكيد مش هتعمل كل حاجة. انا بقول لك سهلة - 00:36:09

ما قلتلكش اعمل كل حاجة واكيد كل واحد فينا قدرته الوقتية والبدنية والحياتية مش هيقدر يتميز الا الذاب او ما بين ثلاثة او تنين هيتميز في تلات ابواب باب يعني مسلا صلاة عابد فعلا. صيام صيام يوم يفطر يوم جامد. طلب علم كل يوم تلات اربع ساعات بيطلب علم. دم - 00:36:24

تميز تمام لكن آآه تعرف تتميز في كم باب مش اكيد مش هتميز كل الابواب. لكن لا يمنعك هذا انك انت تشارك في جميع الابواب. يعني سمعت الناس بيعملوا شنط رمضان ينزل معك مرة كده يوم يومين. تمام؟ والله في بيعملوا صدقة هنحط صدقة. اه والله في صيام صوم معهم - 00:36:46

يعني ما تحرمش نفسك من الخير حتى لو حاجة بسيطة. يمكن النية البسيطة دي هي اللي اتقبلت. واللي انت قاعد بتموت جنبها هنا خدت معلش متعرفش ليه يمكن انا مكتتش يمكن جالي عقب جالي رباء من كتر ما انا جامد في الحته دي جالي عقب بنفسي بازت مني ودي اللي انا كنت عملتها وانا منكسر وفي - 00:37:16

ما كتتش واحد بالي وسرحان وفكيت كرب حد كده وعلى السكة سبحان الله هي دي اللي هي دي. اللي ربنا ببارك فيها ويوم القيامة لقيتها كبيرة قوي اضرب بسهم ما تحرمش نفسك من ايه؟ من الخير. طيب. بعد كده بنقول فائدة - 00:37:36

الله سبحانه وتعالى حين كافي هذا الرجل كافأه بتيسير الاسباب كافأوا بتيسير الاسباب حتى تبقى السنن كما هي. يعني ربنا سبحانه وتعالى هنا ما حصلتش معجزة. يعني ايه معجزة؟ يعني امر على خلاف العادة - 00:37:54

ايه المعجزة مسلا تحصل ان الزرع يطلع من غير حاجة خالص؟ مش ممكن ربنا يعمل كده؟ عادي. صح؟ راجل يصحى الصبح يلاقي الارض مزروعة كلها. وطالعة لا مطار ولا اي حاجة خالص. معجز ممكن تحصل. بس المعجزة دي حقيقي مش مش هنعرف نقتدي بها. لان هي مش هتحصل كل يوم - 00:38:18

وربنا سبحانه وتعالى يريد ان هو مع الاكرام والمكافأة يحافظ للناس على جريان السنن قراین السنن ان انت لازم تعمل اللي عليك اه ربنا يساعدك ويوفقك ويعينك وييسر لك الاسباب. لكن لازم تكون انت بتشغل - 00:38:39

من تقرب الي شبرا تقربت اليه ذراعا. تمام فامشو في مناكبها وكلوا من رزقه واليه النشور الراجل دوت آآ يعني مكافأته ما كانش ان هو بيطل شغل مكافأته انه يفضل يشتغل لكن ييسر له ما لا ييسر لغيره - 00:38:57

فما تنتظرش انك انت توصل لمرحلة ان يحصل لك معجزات. انت هتفضل شغال. بس تأكد ان الله سيكافئك مكافأة سيجعلك مختلف عن اي احد فلم يكف عن العمل لانها سنة كونية. الانبياء يا جماعة كانوا بيشتغلوا - 00:39:19

سيدنا داود وهو ملك كان بيشتغل برضو وكان بيحب يتكسب من عمل يده تمام؟ والنبي عليه الصلاة والسلام اشتغل في رعي الاغنام. اشتغل في التجارة. وبعد كده كانت الغزوات هي شغله. تمام؟ سيدنا آآزكريا كان شغال. سيدنا يحيى كان بيشتغل - 00:39:35

وهنتكلم عن العمل دوت ايه؟ في بند مستقل. بس احنا كده خلصنا حته التسخير ديت. تعال نخش بقى ايه؟ الموضوع الثاني. ان احنا

هندق مع مين مع الرجال نفسه يا راجل راجل جامد ده البطل بتاعنا. عايزين نقف معه كام وقفه كده ونقدر نحل الشخصية ديت -

00:39:50

اول حاجة بنقول كم من شخص عادي مزارع محاسب ست بيت طبيب وهوولي من اولياء الله الصالحين. وله عند الله كرامات الاولياء ليسوا فقط هم العلماء او العباد او الدعاة مثلا او - 00:40:09

لا يلزم ذلك الولي له صفة. اذا تحقق في اي شخص صار ولها اان اولياء الله لا خوف عليهم ولا هم يحزنون. مين دول؟ الذين امنوا وكانوا يتقدون. بس - 00:40:42

ما هي صفات الولي؟ مؤمن تقي مؤمن دي العقيدة تقي العبادة مؤمن يعني عقيدته سليمة على معتقد اهل السنة لذلك قالوا اذا رأيت رجل يمشي على الماء او يطير في الهواء فلا تشهد له بالولاية. حتى ترى اتباعه للسنة. ممكن - 00:41:02

الجن هو اللي شايلينه. ممكن يكون مسخر جن يشيله ويمشيه على الميه عادي بس لو هو تقي وعقيدته سليمة وبيمشي على الميه يبقى دي فعلا كرامة. اكيد كرامة اما لو هو فاسق وفاجر وبيمشي على الماية تأكيد ان ده من تلبيس الشياطين. والشياطين هي اللي بتحمله - 00:41:24

كده ما تستغريش ممكن يجيب لك ساحر على النت بيمشي على المية. هو ماشي على المية بجد بس لتسخيري ليه؟ جن الجن سهل جدا الجن جاب لسيدنا سليمان بتاعه من من اليمن للشام؟ قال له اجيها لك قبل ان تقوم من مقامك - 00:41:43

ما بجدهاش في الاخر بس هو كان يقدر يعمل كده. كانوا بيحملوا سليمان عليه السلام. الجن يقدر يعمل كده. لو حد فعلا قدر ان هو يسخر جن يعمل له اللي هو عايزه - 00:41:58

الشاهد يعني ان الولاية دي مش محصورة في فئة من الناس. اسمهم العلماء او اسمهم الدعاة او اسمهم رجال الدين. لكن الولاية هي وصف تحقق في اي شخص هوولي من اولياء الله الصالحين. ممكن تكون تحقق في ست بيت - 00:42:09

ما لناش دعوة بالدنيا خالص ممكن يتحقق في مزارع. ممكن يتحقق في طبيب في عمله. تقي امين محترم. اه بيعمل اللي عليه فعلا ما بيغشش ما بيخدعش بيراضي الناس بيدي روشتات مجانا كشوفات مخفضة السعر. بس هو مش مش الصلاة يا دوبك بيصللي الفرض - 00:42:27

عشان شغله. صح؟ صح. بيصوم رمضان وتعب العيادة بيخليله مش قادر يصوم قوي يعني ايه؟ نوافل مش قد كده. يصوم عاشوراء عرفة مع الناس الزحمة دي بس ايه مش عارف ينتظم على صيام جامد قوي فيه. تمام؟ بس فيه ميزة - 00:42:48

ما فيش جنبي حرام دخل جبيه ما فيش جنبيه حرام دخل جبيه. عمره ما غشن. عمره ما خدع. عمره ما نصب. عمره ما ضحك على مريض. بالعكس. بيدي بزيادة. بيدي ادوية - 00:43:04

مجاني بيعمل عمليات مخفضة اللي بيلاقيه مش لاقى بيساعده بس هو عابد؟ لأ. عالم ما عندوش وقت يطلب علم قوي. داعية جامد جدا لأبس طبيب متقن تقي حافظ على الفرائض كلها - 00:43:18

سنن على قد حاله. بس ما جاش حرام خالص ما بيعملش مكرونات تقريبا ده وللي ولا مش وللي وللي من اولياء الصالحين. لان اتحقق فيه الشرطين امنوا عقيدته سليمة. وكانوا يتقدون. ما بيعملش حاجة غلط. بس. جبرت كده. بيعمل فرائض؟ هو ما بيعملش - 00:43:34

محرمات ده وللي تمام؟ فلذلك الامر مش ما لوش صفة معينة. مش بس الاولياء هم الاله؟ هم الناس المشهورين دولا لا ممكن يكون شخص مغمور جدا. رب اشعس اغبر. رب اشعس اغبر. مدفوع بالابواب - 00:43:54

اشعس منعكش من بهلة من راجل شغال شغلانة بيتطحون كل يوم متbehel اللي هو يدوبك على الله بيأكل اكل عيشه على باب الله زي ما بيقولوا بيجب اكل يومه بيشتغل شغلانة بتبقى في العادة مرمرة. اشعس شعره منعكش ما عندوش اصلا رفاهية انه يسرح - 00:44:11

ما عندوش الروقان اللي عندك ده ده يا دوبك بيدور ازاي اليوم هيعدى اكل اغبر شغلته طبىعى اغبر شغلته كلها رملة وبهله مدفوع

بالابواب. يعني لو جه يوم يقول لك عايز اقعد عندك ايه؟ زي ما بيقولوا بالبلدي كده تستعر تدخله - 00:44:29

بيقول له طب بكرة تعال بكرة في ناس جوة مش هينفع نخش دلوقتي. مدفوعة بالابواب. لو اقسم على الله لقى برة ده لو قال يا رب والله يا رب لتفعلن كذا تحصل دلوقتي. لو حلف على ربنا يحلف على ربنا انه يعمل كده. ربنا يعملها دلوقتي. لو قال يا رب - 00:44:45
والله يا رب تعمل كده يعملها دلوقتي. لو اقسم على اللайн لابر ده اشمس اخضر مدفوع بالابواب يعني اللي هو ادنى درجة في المجتمع وده ولی ولا مش ولی؟ بيقى انت سعىك للولاية هو في تحقيق الشرط. مش في صيف مش في مش في وظيفة معينة. مش ان انا مش هبقى ولی لو بقىت - 00:45:06

داعية او بقىت عايد ما ليش مسيل اتعلم عقيدة صح اعتقادها صح تؤمن بها صح اتق الله في كل حاجة ابعد عن الحرام تماما. اعمل الفرائض كلها وعلى قد حالك في الباقي. بس حرام ما تعملوش - 00:45:29
لو عملت كده صدقني انت من اولياء الله الصالحين زي الرجال ده كده سيدة بنقولكم من اسم يذكر في السماء كل لحظة ولكن لا يلزم ان نسمع في كل مرة - 00:45:45

سماع الرجل دوت للاسم هل لأن دي المرة الوحيدة اللي حصلت ولا هي اصلا السماع ده كان استثنائي والعادي في اسماء كتير بتنقال كل شوية ازا المسألة دي هي بتتكرر كل يوم كتير - 00:46:05

تاني الاسماء دي او كل يوم كتير في اسماء بتنقال في السماء وسحب بتحرك وتروح وارزاق بتروح وتحجي وملائكة بتصاحب واسماء بتنقال كتير كل يوم بس مش لازم انت بتسمع - 00:46:20

تمام؟ فالاسم ده الرجل اللي سمع ده كان عملية استثنائية عشان يوصلنا الخبر دوت لكن هل دي المرة الوحيدة اللي بيتقال فيها اسم في السماء؟ لا دائمًا يقال اسماء في السماء. فاحرص على ان يكون لك ذكر - 00:46:36

السماء اسماء. من ذكرني في نفسي زكرته بنفسى. من زكرني في ملأ زكرته في ملأ خير منه. الفايدة الثالثة لا تعجب بعملك ولا ترى نفسك افضل من غيرك فكم من صاحب عمل مبهر وانت لا تشعر - 00:46:49

الرجل دوت في نظر الناس اللي يشوفه من بره يقول عليه عادي خالص راجل فلاح مزارع يدوبك يعني زي ما الناس العادي بيصللي معنا في المسجد زينا زيه بيصللي في المسجد. زينا زيه يعني راجل مهم - 00:47:12

محترم ومؤدب وبتاع ايه الجديد عنده؟ ده انا بقى بطلب علم. ده انا بقى انا طالب العلم ودول العوام. انا بقى الشيخ الجامد ودول انا بقى في ايه يا عم - 00:47:27

ده ممكن يكون واحد من اللي انت شايفهم في العادي دول ليه بقى بينه وبين ربنا واحدة انسى مش هتوصل لها ابدا. ومعدى بقى معدى مع ربنا وانت مش حاسس. وانت شايفه الرهان العادي - 00:47:41

عارف انت الناس اللي هم استغريتهم بيحصل كتير. مسلا بقى احنا ايه في مسجد عادي. في راجل طول عمرنا بنشوفه راجل عادي كده لا نلتفت اليه. راجل راجل عجوز عادي بييجي المسجد بيصللي بييجي قبل الصلاة بشوية بيقرأ قرآن بيقعد بتاع ويروح - 00:47:53

الحاج فلان اللي ما حدش يعرف عنه حاجة مرة واحد يخش المسجد الحاج فلان ده ميت ساجد. ايه يا جماعة؟ ده حلم حياتي. انا بقى لي مية سنة بعمل اعمال صالحة وعملي - 00:48:12

انت اللي بيجييك انك ما تعرفش عنه اي حاجة توصله لكده. هو بالنسبة لك عادي. بالنسبة لك بتشوفه بيعمل الحاجات اللي احنا كلنا بنعملها. الحاج صلي في المسجد بس تعرف عنه ايه تاني؟ ولا اي حاجة - 00:48:25

اه عبادة جامدة؟ لا. اه داعية ما بتنتكلمش مع حد اصلا. عالم فز ما انا على قد حاله هو دا بيسألني لما بيعوز حاجة. صح؟ صح. ما آآ خطير في الصدقات الرهيب على قد حاله - 00:48:40

ده يدوبك يومه شهر وبيعدى ربنا يقويه على والده. ايه بقى احنا لو عرفنا كنا عملنا زييه ليه مات ساجد؟ انا مش عارف. ليه مات وهو بيقرأ في المصحف انا بعرف مصحف اكتر مني. يا رب يا رب انا يا رب اللي انت عايز تقوله طب اه طب انا طب يا رب قبل ما يموت

بيعمل ايه عشان نقلده؟ مش هتعرف. مات بسره. اصرار بقى فيه اسرار كتير عند الناس. عشان كده انت بتتمشى متواضع انت تبص لكل واحد بتتشك في نفسك. طلع وراه ايه؟ يمكن يكون وراه سرزى الراجل ده. انا ما اعرفش - 00:49:19

يمكن يكون له بيته وبين ربنا واحدة السلامة. ده لو لمسته راح في ستين داهية ده من عاد لي ولها خلي بالك ممكن يكون المشي ده اللي انت لا تأبه به ده خبطته وعديت كده ده والي النبي لو دعا عليك اتسحل ما - 00:49:36

الصلوة والسلام انت. خلي بالك متواضع اعتبر نفسك دايما اقل واحد تأكد ان كل في ناس كتير عندها خبايا وانت لا تدري الراجل ده عنده شمولية في فهم العبودية لله - 00:49:53

ان بعض الشباب عنده قصور نظر في فهم العبودية لا تقي العبودية تقتصر على العبادات الباياء العبودية هي الصلاة. الصيام الزكاة الحج العمرة. قراءة القرآن التسبيح التهليل. هي دي بالنسبة له هي دي العبادة - 00:50:13

واما بقى امور الدنيا والكلام ده فايده دي موضوع تاني. تحسه هو ايه يعني عنده انصاف وانفصام بين الدين هو مش هنقول علماني بس هو عنده خلل في الفهم كده يعني - 00:50:32

يفصل دي عن دي. بيعتقد ان ما عدا ذلك ليس له علاقة بالعبادة يعني بقى الشغل والمزاكرة والبيع والشرا دي بقى هدي دنيا بقى وملકش دعوة بيهها ايه نطلع تطلع بقى الدنيا دي برة انت بقى ايه خلينا في الصلاة والصيام ان شاء الله - 00:50:47

نعبد ربنا يعني. لكن دي بقى ايه؟ اعرف بقى والدنيا احنا ايه اللي يقدر على حاجة بيعملها الصراحة بالزمن ده؟ خلاص هو ايه؟ انتهت عنده فكرة ان كل حاجة في الدنيا دي عبادة - 00:51:01

مزاكرتك المفروض تكون عبادة. بيعك وشركك ده في عبادة رحم الله عباده سمحوا اذا اشتري سمحوا اذا قضى سمحوا اذا اقتضى ما عندوش نية صالحة في اي عمل دنيوي بيعمله. عنده خلل في مفهوم العبادة. الراجل دوت لقى نفسه في عبادة ما. عبادته - 00:51:11

نحصل في الاتي واحد الصدقة ديت اتنين اهتمامه بأسرته وبعياله وبأكل عياله وبأكل مراته بيعتسب حتى دي بيعتسب فيها يعتسب في اكل مراته بيعتسب في اكل ولاده. تمام؟ وآآ التخطيط للمستقبل اللي هو بيرد للارض التلت. ده من العبادة. لأن انا انا بنوي - 00:51:35

في الزراعة للارض القادمة ان ما بدون الزراعة دي مش هعرف اكرر ايه؟ الصدقة ومش هعرف اكرر الانفاق على الاولاد. فازا حتى للارض ده هو عبادة معنا منين دلوقتي العبادة الصدقة؟ هي بتيجي منين الصدقة؟ بتيجي من الزراعة. بيقى لو انا ناوي بالزراعة ديت الصدقة بيقى صارت الزراعة نفسها ايه - 00:51:59

عبادة تمام الانفاق على الزوجة والارض ده مش عبادة؟ ده من اعظم العبادات. النبي عليه الصلاة والسلام يقول درهم اتفقها وفيه على مسكين دي نار اتفقته في في في الجهاد وكذا وكتابا اتفقه على اهله. قال اعظمها اجرا عند الله الذي اتفقته على اهلك. بيقى انا بتعبد لله - 00:52:22

بالانفاق على زوجتي بتعبد لله الانفاق على اولادي. فكل الحياة عبادة في الحقيقة. وانا انا بنزل شغلي عشان المرتب. فالمرتب ده بتعمل ايه سأنفق على زوجتي اللي هي عبادة وولادي اللي هي عبادة واتصدق اللي هي عبادة عشان احوش عايز اطلع عمرة ما هي عبادة. بيقى صارت عملك نفسه عبادة. لو دي نيتك انت بتشتغل - 00:52:42

اجيب فلوس ليه؟ عايز اجيب بقى هدوم وموبايلات اتعوج على العيال واطلع الساحل واحربها وبتاع. عبادة ايه دي ان شاء الله؟ هي عبادة للشيطان. لشغلك في ميزان سيناتك نفس الشغل نفس النزلة نفس الحركة بس ناس راحت بيهما الجنة وناس راحت بيهما الایه ناس راحت بيهما النار وفيه واحد نازل يشتغل الناس تشتغل ليه مش عارف سنة الحياة - 00:53:02

ما لوش اي نية رأي. نازل ليه عشان هم قالوا لي انزل اشتغل. ابوايا قال لي انزل اشتغل تقعدوا مشوا البيت. ايه نيتك في الموضوع ده؟ والله ما ينفعش اقعد في البيت وخلاص فانا بدل ما اقعد في الشارع ما اروح اشتغل. ما فيش نية خالص يعني لا عنده نية وحشة

ولا عنده نية حلوة. ده عمله اسمه ايه؟ مباح - 00:53:22

انهی مباح؟ لا ابدا ولا وزن. هو مش ناوي ان هي وحشة ولا حلوة. يعني هو اشتغل كده وخلاص. عشان البيت خانقني بقى قلت انزل اشتغل فده ما عندهش نية خالص. وعلى ذلك كل اعمالك. ممکن المزاکرة بالنية تبقى طاعة او معصية او لا ولا حاجة - 00:53:41
ممکن الجواز يبقى طاعة وممکن يبقى معصية ويبقى ولا حاجة. حسب الایه؟ النية. فالراجل ده فاهم العبودية. ان اي حاجة في الحياة ممکن يحولها لعبادة وممکن اخلي حياتي كلها عبادة - 00:54:00

من النوايا قل ان الصلاة ونسك ويل ومحباهي ومماتي لله رب العالمين الفايدة اللي بعد كده بتقول الشهرة الحقيقية ليست هنا على الارض وانما الشهرة هنالك في السماء فكم من مشهور في الارض ملعون في السماء؟ وكم من مغمور في الارض؟ وان هو يذكر في الملا الاعلى - 00:54:12

فضله ده الشهرة الحقيقية. عايز يبقى شهور اذكر الله. بقت اشهر واحد. من ذكرني في لنفسي في نفسي زكرته في ايه؟ في نفسي.
من ذكرني في ملأ زكرته في ملأ خير منه. خليك تقي نقى. اسمك هيتزكر في الملائكة - 00:54:39
في الساحات احضر مجالس علم فيه ملائكة بنتيجي مجالس العلم بتحضرها. وكده يصعدون الى الله. يقول لهم بقى مين كان تحت فلان وفلان وفلان؟ اسمك هيقولوا ملك وهيقولوا ربنا مباشرة - 00:54:59

بتتعرض الاسماء دي كلها. فيقول اشهدوا يا ملائكتي اني قد غفرت لهم. نسأل الله ان يجعلنا منهم. اللهم امين يا رب. انت كده مش محتاج عشان تبقى شهور تعمل قناة في التيك توك وتطلع هدومك فيها ما لهاش لازم يعني مش ضروري خالص. هتبقى مشهور جدا وسريعة خالص. بص ملابين المشاهدات - 00:55:12

بس آآ الموضوع بسيط جدا انت فين؟ يعني اطلع وارقص هتبقى مين؟ نص نايمة. طلع بنت او هات بنات. هتجيب معك في القناة على طول. لما تلاقي القناة ما فيش مشاهدة - 00:55:32
كتير هات بنات ما جابت شزود بنات هتلاقي ايه؟ واشتغل على الغيبة كتير يعني ايه سف على الناس سف كل ما تلاقي ايه حاجة في البلد تحصل سف على الناس واغتاب وقل من الناس واسخر وهات وركب فيديوهات وركب صور على الناس وركب فيديوهات وقلس ومسخر الناس - 00:55:46

شهر مشهور جدا بس ملعون عند الله ملعون في السماء. مطروح من رحمة الله. ايه فايدتها؟ ايه ايه قيمة الشهرة؟ جاية بالحرام. يعني لو ربنا اكرمك واستهرت بالطاعة او عى تقول الحمد لله على الاقل ايه؟ واجعل لي لسان صدق في الاخرين. واحد واحد من كتر الخير ربنا شهره بالخير. الحمد لله. هي جت من عند ربنا - 00:56:06

ما كنتش طالب؟ لكن انت عايز الشهرة عايزها. فطبعا اللي عايز شهرة سريعة ما لوش حل غير ان هو يعمل الناس بتعمله ارقص اطلع سف عالناس اعمل سخرية اعمل مقابل طلع مراتك طلع بنات - 00:56:30

اذا كان معها لعن عند الله سبحانه وتعالى. فتبنا يعني وسحقا لهذه الشهرة السخيفه. اللي تؤدي صاحبها الى النار يوم القيمة. والفلوس طبعا اللي بتنتهي من المواضيع ده كله لا حرام لو كانت قلة الادب ديت. طيب خلينا نقف بقى اخر وقفات مع التأسير - 00:56:47
تقسيمة الزرع ديت اول حاجة الفايدة التوازن عند هزا الرجل. راجل متوازن جدا. تصدق بالثالث. اكل انا وعيالي الثالث. ارد الى الارض الثالث دايما التوازن بيخليلك شخص سويد واي ميل - 00:57:11

لحاجة من التلاتة هي هي الحاجات دايما الامور هي آآ العبادة الاهل آآ الایه الدنيا نفسها. اللي هي بقى اللي هرد بقى. هو التلات حاجات ايه؟ عبادتم مع الله علاقته مع اهله وولاده وزوجته او بيته يعني. وفي الآخر آآ تجارته. او استثماره او شغله الدنيوي. لازم توازن التلاتة دول مع بعض - 00:57:31

اي خلل اه في التلاتة دول بيازيك. يعني واحد زود العبادة قوي قوي لدرجة الناس اللي جم للنبي عليه الصلاة والسلام قال له انا اصوم ولا افطر لا اتزوج - 00:58:01
ولا واقوم ولا انام. قال له هو فين؟ الكلام ده غلط ما فيش الكلام ده. انا انا نفسى بصوم وافطر واقوم وانام واتزوج النساء. فمن رغب

عن سنتي فليس مني. وقال ان الاهلك عليك ايه حقا ان لبدنك عليك حق - [00:58:14](#)

ان لربك عليك حقا. فاعط كل ذي حقا ايه؟ حقا. ده التوازن. في واحد بيغلب جانب العبادة قوي لدرجة ان هو بييجي على اهله وييجي على ايه اولاده وييجي على شغله لأ في واحد يغلب جانب الولاد والزوجة يعني كل يومه مسخره لولاده وزوجته لدرجة ان هو ممكن ما يصليش في المسجد لدرجة - [00:58:30](#)

هو ممكن يضيع السوناري. لدرجة ان هو ممكن يأسر في شغله في واحد لقى شغله بقى هو حياته يقول لك شغل حياتي الشغل ده هيأخذ حياته كلها. لدرجة ان انا ضايعة في الصلاة ما بيصليش الفجر. ما بيشوفش زوجته الا كل ايام وليلي. ولاده دول ما بيسألش فيهن ولا ولا تربية ولا بتاع وسايبها كده. سايبهم طالعين كده مع - [00:58:50](#)

نفسهم اي خلل في الثلاثة دول مش هتحس بيده دلوقتي بعد سنتين بعد سنتين هتلاقي ثمرة مرة قاعدة تكبر تكبر تكبر. مرة واحدة تفرقع في وشك و ساعتها مش هتعرف تسترجع اللي انت ضيعته. لو ولادك ضاعوا منك بسبب شغلك هتندم ولا حتى - [00:59:08](#)
عبادتك هتندم لو عبادتك ضاعت بسبب شغلك كثير في يوم تحس ان انا طب ما هي الدنيا ايه لازم انا شعبت من الدنيا بس مش عارف ارجع لربنا خلاص قلبي باظ قلبي قسى جدا. لو زوجتك وولادك خدوك من شغلك خدوك من ربنا. في الاخر هتخسرهم هم نفسهم لأن ربنا هيلاقى البغضاء في قلوبهم. بيقى - [00:59:31](#)

طيب بعد كده بنقول لولا اخراج الثالث لما عاد الواحد الصحيح هو راجل في الحقيقة اشتري بتلت واحد يعني تخيل الرجل دوت مرة ما طلعش وهو فاكر ان كل مرة الارض بتجيip الله ينور الله ينور. الدنيا جميلة ماشية معه. فجهه مرة قال لك ايه انا مش لازم اطلع الثالث المرة دي. ما كنش يعرف - [00:59:52](#)

ان في الحقيقة الواحد ده كان بييجي بسبب الایه؟ الثالث. هو هو الراجل اللي اول مرة يعرف دلوقتي على فكرة هو زمانه بيزرع كذا مرة عمره ما كان يتخيل ان المایة دي جایة لي انا بس - [01:00:22](#)

مش متخيل كده كان فاكر المایة جایة اللي زي ما جه لغيري. ما كانش يعرف فيه مایة جایة لي انا بس تخيلكم مرة كده قبل ما يعرف الخبر السعيد ده كسل في الصدقة. كان هيخرس الواحد الصحيح كله - [01:00:32](#)
الواحد كله كان هيخرسه. لزلك الصدقة تبارك في المال. ما نقص مال من صدقة. فالصدقة تجلب المزيد. تأكد من ذلك قال النبي عليه الصلاة والسلام ما من يوم ينشق صبحه - [01:00:44](#)

الا فيه ملكان ينزلان. يقول احدهما اللهم اعط منفقا خلفا. ويقول الآخر اللهم ممسكا تلفا. يعني اتلف عليه مالا الفايدة اللي بعد كده يقول سعيك على اهلك وولادك لابد ان تتحسبوا فانه عبادة. الصحابة شافوا راجل جامد جدا قوي جدا. طالع يحترب. فقالوا لو كان هزا في سبيل الله فالنبي عليه - [01:00:58](#)

صححوا لهم مفهوم على طول قال ان كان يسعى على ابوبين شيخين كبيرين فهو في سبيل الله. وان كان يسعى على صغار اولاد صغار فهو في سبيل الله مش هو طالع. طالع - [01:01:32](#)

عليهم وهنافق عليهم دي مش واجب من واجبات الدين. بيقى هو في سبيل الله. بس بنقول ايه؟ اهم حاجة ايه؟ التوازن. ما تبقاش دي تضرب لك العبادة ولا دي تضرب لك علاقة كذا - [01:01:45](#)

لازم كل حاجة اعطي كل ذي حق ايه؟ حقه اليد العليا خير من اليد السفلة. وورد في حديث وان كان في ضعف يسير قال النبي صلى الله عليه وسلم من بات كالا من عمل يده بات مغفورة له - [01:01:55](#)

من بات كالا تعان من عمل يده بات مغفورة له. عارف الناس الشقيانة دي اللي ما بيعملوش حاجة غلط. بيصحى الصبح شقيان تحضر الصلاة تلاقيه اول واحد في المسجد يصلى ويطلع يتطحنه تيجي الصلاة يخش النادي يصلى. يطلع يتطحنه يروح البيت يسأل على مراته وعلى عياله ويهرز معهم و بتاع ويأكل لقمتين يا عيني - [01:02:09](#)

ينام واصحى تاني يوم يطحنه ويصلى ويرجع يطمن على عياله ومراته حياته كده هو ده. ده الحديث بيتكلم في ده من بات كالا مطحون الحياة مفروم في الحياة بس بيعمل اللي عليه. ده مش حاجة حرام. من بات كالا من عمل يده بات ايه؟ بات مغفورة له -

اخيرا ارد الى الارض الثلث فيها فائدة جميلة. التخطيط للمستقبل لا يتنافى مع التوكل. مش معنى ان انا متوكلا على ربنا ان انا خطط خطط لسنة وستين عادي. وحط خطة وخد بالاسباب واعمل حساباتك. ما فيش تعارض ان انت متوكلا على الله - 01:02:56

تمام؟ فاحنا عندنا مشكلتين طرفين وسط الطرف الاول هو الذي لا يأخذ بالاسباب مطلقا. ويعتقد ده هو ده التوكل. ده غلط. الطرف الثاني يبالغ في الاعتناء بالاسباب لدرجة ان قلبه يتعلق بها ويركز اليها ويتحقق في تخطيطه - 01:03:16

الراجل ده لو وسق في تخطيطه هو مش تخطيطك في الحقيقة هو اللي عمل كده. هو انت لو كنت ردت لارض الثلث وما تصدقتش افرح بخطتك. اشرب خطتك اشرب خطتك. لو ربنا ما باركش فيها - 01:03:36

مش مسألة ايه انا جامد جدا وخططت في ثانية ربنا يفسد لك الخطة فلازم تكون عبد رباني. العبد الرباني متزن. ياخد الاسباب وبيخطط وييأخذ بالاسباب وبيعمل حساباته كلها. في نفس الوقت لا يتحقق خالص. ما فيش بقى - 01:03:49

موضوع السقة في النفس والجنبات والتنمية ما فيش سقة في النفس انا بعمل اللي علي اه في الآخر اقول يا حي يا قيوم برحمتك استغث اصلاح لي شأني كله. ولا تكلني الى نفسي - 01:04:04

طرفة عين ابدا. وقل اللهم اصلاح لي ديني توازنه. الذي هو عصمة امري. واصلاح لي دنياي التي فيها ايه؟ معاشي. واصلاح لي اخري التي لا ينعاد. واجعل الحياة زيادة لي في كل خير. والموت - 01:04:24

راحة لمن كل شيء. عبد ربه سلمها لله. باعمل اللي علي. وعلى الله بقى ايه زي ما بيقولوا كده. فالخطيط لا يتنافى مع التوكل. والأخذ بالاسباب لا يطعن في التوحيد والعبد الرباني يفهم اعمل لدنياك كانك تعيش ابدا. واعمل لآخرتك كانك ايه؟ تموت هنا. وذلك انتهت الفوائد العظيمة من هذه القيد الصنم - 01:04:39

مباركة. نسأل الله ان يبارك فينا وفيكم. جزاكم الله خيرا. سبحانك الله ربنا وبحمدك. اشهد ان لا الله الا انت. استغفرلك واتوب اليك. السلام عليكم ورحمة الله - 01:04:59